

Transkription von Stadtbucheintrag KOL 1490c

Ort, Datierung: Kolberg, 1490-06-24

Signatur: Landesarchiv Greifswald, Rep. 38, Hs Kolberg 2, 335v

Inhalt: Rat der Stadt Kolberg: Verkaufsbestätigung

wy Bekenne(n) dat Marten boddeker ledemate vnsz rades is vor vnsz ge=/weset vn(de) heft vor vns
bekant dat he heft vor koft mit vulbort vn(de) wolwe=/tende syner eruen sÿn angeual van syner moder
gude wechlik vn(de) vnbe=/wechlik sÿnem broder hans boddeker vn(de) synen r(e)chten eruen vor
hundert / rinsce guldene de em sin broder hans vorscr(euen) wolvornaget vn(de) betalet / heft to enem
gantzen vullenkomen ende , Dar mede is he marten boddek(er) / vn(de) sÿne eruen entlÿken sceden
van siner moder gude vn(de) wil nenigerleye / toseggent mer to er ifte to ereme gude hebben dat sÿ van
vader erue / ifte wor van dat idt her kumpt dar leth he vn(de) syne eruen entliken aff . / vn(de) dar
nu(m)mer wedder to kamende ifte vptosakende [men] alle des rehti/geit de he vn(de) sÿne eruen in
tokamenden tiden scolden krigen edder hebben / to erer moder erue vn(de) gude dat heft he vorkoft
synem brodere hans bodde/kere vn(de) sinen eruen to enem gantzen vullenkamen ende vn(de) wil dar
nu(m)mer / vp sake zo vorscreuen is : Jn vi(gilia) Joh(ann)is bapt(iste) /